



საგარეო საეკლესიო ურთიერთობების დეპარტამენტი
მოსკოვის საპატრიარქო

ვენაში პატივი მიაგეს დამასკოს მართლმადიდებელ ტაძარში მომხდარი ტერორისტული აქტის მსხვერპლთა ხსოვნას



სსკვ-ის კომუნიკაციის სამსახური, 03.07.2025. 2 ივლისის საღამოს ვენაში (ავსტრია) გაიმართა 22 იენის სირიის დედაქალაქ დამასკოში წინასწარმეტყველ ელიას (მარ ელიას) მართლმადიდებელ ტაძარში მომხდარი ტერორისტული აქტის მსხვერპლთა ხსოვნისადმი მიძღვნილი პანაშვიდი. ღვთისმსახურება წმინდა ავგუსტინეს კათოლიკური ეკლესიის შენობაში ჩატარდა.

ხსოვნის საღამოს ინიციატორი იყო წმინდა მოციქულთა პეტრესა და პავლეს ვენის თემი (ანტიოქიის მართლმადიდებელი ეკლესია).

მოსახსენიებელ ღვთისმსახურებას წარუძღვა ანტიოქიის საპატრიარქოს იერარქი, გერმანიისა და ცენტრალური ევროპის სამიტროპოლიტოს მიტროპოლიტი ისააკი, რომელიც ასევე ხელმძღვანელობს ავსტრიის მართლმადიდებელი სამრევლოების სულიერ დაპურებას.

პანაშვიდს სხვადასხვა ქვეყნის, კონფესიისა და ეკლესიის ტრადიციების ასობით მორწმუნე დაესწრო. ისინი შეიკრიბნენ, რათა გამოეხატათ სოლიდარობა ქრისტიანი მსხვერპლებისა და მათი ოჯახების, ასევე მთელს მსოფლიოში დევნილი ქრისტიანების მიმართ.

ვენისა და ავსტრიის ეპარქიის ვებგვერდი **იუწყება**, რომ ხსოვნის საღამოში საპატრიარქოს სტუმრის სტატუსით მონაწილეობა მიიღო ვენისა და ავსტრიის ეპისკოპოსმა ალექსიმ, რომელსაც თან ახლდა ვენის წმინდა ნიკოლოზის საკათედრო ტაძრის სასულიერო პირები და მრევლი.

საპატრიარქოს სტუმრებს შორის იყვნენ ასევე ვენის კათოლიკე ვიკარიუსი ეპისკოპოსი ფრანც ჩარლზი, კოპტის ეპისკოპოსი ანბა გაბრიელი, სირიის ორთოდოქსალური, ასურეთის, მელქიტური და მარონიტული ეკლესიების წარმომადგენლები.

მიტროპოლიტმა ისააკმა თავის ქადაგებაში ტკივილით ისაუბრა დამასკოში მომხდარ ტრაგედიაზე. მისი თქმით, თავდასხმამ „მლოცველი თემი დასახიჩრებულ სხეულებად აქცია, რომელთა სისხლითაც წმინდანთა ხატები შეიღება“. ეპისკოპოსმა ეს აქტი არა მხოლოდ ქრისტიანებზე დარტყმად შეაფასა, არამედ თვით რელიგიის არსზე, კაცობრიობაზე და ხალხთა თანაცხოვრებაზე, და ხაზგასმით აღნიშნა: „ჩვენ, ქრისტიანები, ვიყავით და ვრჩებით მშვიდობისა და სიყვარულის ხალხად... ჩვენი ხელი განვდილი რჩება სხვისთვის, თუნდაც ის თითქმის მოჭრილი და გასისხლიანებული იყოს“.